

CUSSEGL GROND

Sessiun d'avust 2022

Incumbensa Righetti concernent sajettar lufs en il chantun Grischun

Actualmain n'è la convivenza cun ils lufs singuls e cun ils trieps da lufs che vivan en noss chantun, betg supportabla. La situaziun na po betg pli vegnir tolerada. Ella na periclitescha betg mo la vita da las nursas, da las chauras e dal muvel, mabain er in entir sector che caracterisescha, valorisescha e nobilisescha noss chantun.

Las prognosas per il futur mussan in scenari che n'è in summa betg meglier, sche las premissas sin plaun federal restan talas e qualas. Il luf n'ha numnadamain nagins inimis natirals che regulassan sia populaziun, ed el ha mintga onn en media sis pitschens. Sajettar lufs è a curta ed a lunga vista l'unica soluziun plausibla.

Igl è indispensabel che las represchentantas ed ils represchentants dal chantun en las chombras federalas e ch'ils organs da l'administraziun chantunala protesteschian tar l'uffizi federal ch'è responsabel per questa tematica. Quai cun agid da las datas davart las stgarpadas da lufs ch'èn vegnidas registradas durant ils ultims onns sin noss territori chantunal, las documentaziuns fotograficas ed ils rapports da perditgas. Las medias ston vegnir integradas, per ch'ellas possian infurmar e sensibilisar la populaziun, las politicras ed ils politichers, l'Uniun purila svizra (che sto sa preschentar cun ina tenuta unitara, cumbain che tuttas e tuts n'èn betg pertutgads da la problematica) sco er las federaziuns svizras da l'ambient davart la seriusadad, davart la nuschaivladad e davart il privel da la preschientscha – pli e pli intensiva e smesirada – da l'animal da rapina grond en in territori sco noss, ch'è collià fermamain cun la tegnida e cun l'allevament d'animals.

La Regenza vegn perquai incumbensada da far tut ils pass pussaivels, per che las leschas federalas che reglan la protecziun dal luf, possian vegnir midadas en quel senn, ch'ils process sin tut ils stgalims daventian pli concis, per ch'il chantun Grischun possa decider autonomamain da sajettar animals che fan donn a noss territori ed a nossa populaziun.

Cuira, ils 3 da settember 2022

Righetti, Furger, Spagnolatti, Beeli, Bergamin, Berther, Bettinaglio, Binkert, Brandenburger, Brunold, Butzerin, Candrian, Censi, Collenberg, Cortesi, Cramer (Surava), Danuser (Cazas), Della Cà, Derungs, Epp, Gansner, Hohl, Jochum, Kohler, Lamprecht, Lehner, Loepfe, Luzio, Mani, Menghini-Inauen, Messmer-Blumer, Metzger, Michael (Donat), Michael (Castasegna), Morf, Rauch, Roffler, Salis, Sax, Schneider, Sgier, Tanner, Tomaschett, Ulber, Widmer, Zanetti (Sent), Zanetti (Landquart)